

**Ed.**

## **129. Frumvarp til laga**

um breyting á lögum nr. 44 19. júní 1933, um stofnun happdrættis fyrir Ísland.

Frá fjárhagsnefnd.

1. gr.

A-lið 1. gr. laganna skal orða svo: Hlutatalan má ekki fara fram úr 25000, er skiptist í 12 flokka á ári hverju, og skal dráttur fara fram fyrir einn flokk í mánuði hverjum, dráttur fyrsta flokks i janúarmánuði og tólfra flokks i desembermánuði.

2. gr.

Í stað orðanna „í öllum 10 flokkum“ í e-lið 1. gr. laganna komi: í öllum 12 flokkum.

3. gr.

Lög þessi öðlast gildi þegar í stað.

### **Greinargerð.**

Frumvarp þetta er flutt eftir ósk fjármálaráðherra, og hafa nefndarmenn óbundnar hendur um það. Með frumvarpinu var bréf rektors háskólans, þar sem gerð er grein fyrir því. Er það birt hér sem fylgiskjal.

### **Fylgiskjal.**

### **HÁSKÓLI ÍSLANDS**

Reykjavík, 31. október 1945.

Í 1. gr. l. nr. 44 19. júlí 1933, um stofnun happdrættis fyrir Ísland, er maelt svo fyrir, að hlutatalan, 25000, skuli skiptast í 10 flokka á ári hverju og skuli dráttur fyrir einn flokk fara fram á mánuði hverjum, á tímabilinu marz—desember, og

hafa lögini verið framkvæmd á þessa leið hingað til. Háskólaráð og stjórn happdrættisins hafa nú óskað, að lögunum verði breytt um þetta efni í þá átt, sem í frumvarpinu greinir, þ. e., að flokkarnir verði 12 og að dráttur fari fram í hverjum mánuði ársins. Reynslan virðist hafa sýnt það, að hlé það, sem verður milli drátta í desember og í marz, þ. e. tveir mánuðir, janúar og febrúar, hafi óheppileg áhrif á sölu happdrættismiðanna, að menn gleymi frekar að endurnýja kaup sín á þeim, er svo langt liður á milli, en þegar endurnýja þarf mánaðarlega. Fjölgun flokkanna mundi og gefa happdrættinu auknar tekjur, en kostnaður við rekstur þess ekki vaxa að sama skapi. Það mundi t. d. ekki þurfa að auka starfslið á skrifstofu happdrættisins, þar sem þar er um fastráðið fólk að ræða, sem nú tekur laun einnig þá mánuði, sem drættir fara ekki fram. En þörf er á því að auka tekjur happdrættisins. Arðurinn af því á, svo sem kunnugt er, að ganga að nokkru leyti til byggingaframkvæmda háskólans og að nokkru leyti til atvinnudeildarinnar. Hafa þegar tvö stórhýsi verið reist fyrir arðinn af rekstri happdrættisins, háskólinn og atvinnudeildin, en fyrirhugað er, að fleiri hús verði byggð með sama hætti, og þá fyrst og fremst iþróttahús fyrir stúdenta og hús fyrir náttúrugripasafnið. Tekjurnar af happdrættinu á árabilinu 1934—1944 hafa alls numið kr. 2669684.68. Af þeirri sjárhæð hafa kr. 311695.03 runnið í ríkissjóð auk kr. 200000.00, sem háskólinn lagði til byggingar atvinnudeildarinnar. Afgangurinn, kr. 2157989.65, hefur gengið til háskólabyggingarinnar, og í árslok 1944 vantaði um kr. 86500.00 á það, að byggingarkostnaður háskólans væri greiddur að fullu. Að vísu haða tekjur happdrættisins aukizt hin síðari ár vegna aukinnar sölu happdrættismiða og hækkaðs verðs þeirra, og námu tekjurnar árið 1944 kr. 447265.58, og skiptust þær þannig milli háskólans og ríkissjóðs, að háskólinn fékk kr. 357812.46, en ríkissjóður kr. 89453.12. En hækkunin á tekjum af happdrættinu hefur þó hvergi nærrí haldizt í hendur við hækkun byggingarkostnaðarins. Rík þörf er á því, að hús þau, er háskólinn hefur í hyggju að reisa, komist upp sem fyrst, og því ærin þörf á, að tekjurnar af happdrættinu verði auknar. Með fjölgun flokkanna um two mætti vaenta þess, að hreinar tekjur happdrættisins hækkuðu um 20%. Ef gert yrði ráð fyrir svipuðum ágóða og árið 1944, mundu tekjur háskólans aukast um nál. kr. 70000.00 og tekjur ríkissjóðs um 10—15 þús. kr.

Samkv. framansögðu leyfi ég mér hér með að fara þess á leit við yður, herra fjármálaráðherra, að þér vilduð hlutast til um, að meðfylgjandi lagafrumvarp verði flutt á Alþingi, og stuðlið þar að því, að það nái fram að ganga.

Ólafur Lárusson.

Til fjármálaráðherra.